

重刊驗方新編

李繼鄴

重訂驗方新編卷之九

金匱闕氏校鑄石印

婦人科調經門

凡服調經之藥宜於行經時多服數劑下次經期亦即準矣若丸藥則宜常服久之乃

效 ○不及期而經先行

如德性溫和素無他疾者責其血盛且有熱也用歸身川芎各七分赤芍

生地知母麥冬地骨皮各一錢甘草五分水煎空心服

如性急燥多怒多妬者責其氣血俱熱且有鬱

也用製香附炒研歸身川芎白芍條芩炒黃連各一錢甘草五分生地七分水煎服

如形瘦素無他

疾者責其血熱也用歸身生地川芎赤芍黃芩炒黃連炒各一錢甘草五分水煎食前服兼服三補丸

和之 三補丸專治血熱黃芩黃柏黃連俱炒各等分為蜜丸開水下

如形瘦素多疾且熱者責其

衝任內傷也用四物人參知母湯歸身白芍台黨熟地知母麥冬各一錢川芎七分炙草五分薑棗引

水煎食前服更宜常服地黃丸

地黃丸治女子衝任損傷及腎虛血枯血少血閉之症用熟地八兩

山藥四兩山萸肉四兩白茯苓丹皮去骨澤瀉去毛各三兩密為丸空心開水下

如曾誤服辛熱燥

宮之藥者責其衝任伏火也用四物加黃柏知母湯歸身赤芍生地黃柏炒知母木通各一錢川芎七

分甘草五分水煎食前服更服三補丸見前和之

如形肥多痰多鬱者責其血虛氣熱也用歸身川

芎生地各七分陳皮去白法半夏雲苓甘草各五分條芩炒香附童便炒黃連各一錢薑棗引水煎服 ○

經過期後行 如德性溫和素無疾者責其氣血虛少也用八物湯川芎白芍茯苓台黨歸身甘草生

地白朮各等分薑棗引水煎食後服

如性急燥多怒多妬責其氣逆血少也照上八物湯加香附炒

青皮各等分水煎服兼常服蒼沙丸以調之

蒼沙丸和中開鬱蒼朮米泔水浸香附童便浸一日夜

各三兩條芩酒炒一兩共為末湯浸蒸餅為丸開水下

如形瘦素無他疾者責其氣血俱不足也用

十全大補湯台黨白朮土炒茯苓炙草當歸川芎白芍俱酒炒熟地炙耆各一錢肉桂五分薑棗引水

煎服 如形瘦少食責其脾胃衰弱氣血虛少也用異功散加當歸川芎湯台黨白朮茯苓炙甘草陳皮歸身川芎各一錢薑棗引兼服地黃丸見前 如肥人及飲食過多之人責其濕痰壅滯軀肢迫塞也用六君子加歸芎湯台黨白朮茯苓炙甘草陳皮半夏製歸身川芎香附各一錢薑引兼服蒼沙丸見前如素多痰者責其脾胃虛損氣血失養也用參朮大補丸台黨川芎砂仁石菖蒲各五錢白朮茯苓陳皮蓮肉歸身各五分炙草三錢真山藥一兩共為末荷葉包米煮飯為丸米湯下 ○一月而經再行如性急多怒者責其傷肝以動衝任之脉用四物加柴胡湯歸身川芎白芍生地柴胡黨參條芩甘草黃連煎服更宜常服補陰丸以瀉衝任之火 補陰丸黃柏知母去皮毛炒各等分蜜為丸每服五十丸如曾服辛熱之藥者用四物加黃柏知母湯及三補丸見前 如傷衝任之脈者用四物黨參知母麥冬湯及地黃丸見前 ○數月而經一行 瘦人責其脾胃弱氣血虛用十全大補湯及地黃丸見前肥人責其多痰兼氣血虛用六君子加蒼沙導痰丸台黨川芎半夏各七分製甘草五分白朮雲苓陳皮蒼朮米泔水浸歸身香附童便炒枳殼各一錢薑引 蒼沙導痰丸香附童便炒蒼朮各二兩陳皮雲苓各一兩五錢枳殼半夏製薑炙草各一兩生薑自然汁浸麵餅為丸淡薑湯下 ○經行或前或後 悉從虛治用加減八物湯台黨白朮茯苓炙草當歸川芎陳皮丹參香附製丹皮各一錢薑棗引水煎服○烏雞丸此丸專治婦人脾胃虛弱衝任損傷血氣不足經候不調以致無子者服之屢驗白毛烏骨雄雞一隻查藥物備要便知以糯米喂養七日勿令食虫蟻野物用繩吊死去毛與腸雜以一斤為率用生地熟地天冬麥冬各二兩放雞肚內美醢酒十碗入砂鍋煮爛取出再用桑柴火上焙去藥更以餘酒醃盡焙至焦枯研細末再加杜仲二兩鹽水炒去絲薑薑炙草肉苁蓉酒洗固脂鹽水泡小茴鹽水泡砂仁各一兩川芎白朮丹參歸身茯苓各二兩香附四兩醋浸三日焙共研末和上

味酒調麵糊為丸每服五十丸空心溫酒下或米湯下○烏雞湯與上烏雞丸同功白毛烏雞一隻一切與上同益母草一兩小黑荳一茶盃共放雞腹內水酒各半蒸熟空心食雞與湯食一二次以後月經時刻不差其效無比○經行或多或少瘦人經水來少者責其氣血虛少也用四物加人參

湯臺黨川芎白芍歸身生地香附童便炒炙草各一錢薑棗引煎服肥人經水來少者責其痰礙經

隧也用二陳加芎歸湯陳皮茯苓歸身川芎香附童便炒炙枳殼各一錢半夏八分製甘草五分滑石三

分薑引水煎服凡經水來太多者不問肥瘦皆屬熱也用四物加苓連湯歸身白芍知母生地條芩

黃連各一錢川芎熟地各五分黃柏七分水煎服兼服三補丸見前最妙○逐日經來幾點則止或

五日或十日又來數點一月常三四次面色青黃宜用艾膠湯阿膠炒熟地各一錢艾葉三錢川芎

八分棗三枚水煎空心服三劑再用陳皮五錢良姜枳殼三錢烏藥各八錢檳榔砂仁紅花莪朮各六

錢共為末煮粥為丸如梧子大每服三四十九即愈○經行不止來往無時竹紙三十張燒灰淡

酒半斤和勻頓清溫服○經來不止形如魚腦足痛不能動履乃下元虛冷更兼風邪所致宜用

疏風止痛散當歸天麻僵蠶烏藥牛膝獨活石南藤乳香紫荊花骨碎補各一錢川芎五分薑三片葱

白三個酒煎空心服前後忌食魚腥三日○經來不止形如牛膜昏迷倒地硃砂一錢白茯苓一

兩水和為丸薑湯送下五十粒立效○經來不止或下血胞大如雞蛋割開內如石榴子其婦昏迷

不知人事此虛症也宜用十全大補湯見前姜棗引水煎空心服三五貼立效內有甘草肉桂末二

味米炒令老肉桂味辛恐動血宜加減用之為要○經來有白虫如雞腸滿腹疼痛宜殺虫由大便

出先用追虫丸後用建中湯補之追虫丸續隨子檳榔牽牛大戟各五分麝香三分甘遂芫花各一錢

米糊丸梧子大每服十丸酒送下建中湯白芍一兩黃耆肉桂甘草各五錢共為末米湯下○經來

成塊如葱白色又如死豬血黑色頭昏目暗唇麻

此虛症也用補內當歸丸見後甚效

○經來結

成一塊如皂角一條痛不可忍不思飲食

此血滯也用元胡四錢髮灰三錢共為末酒調送下服至

半月其塊自消

○腹大如鼓經來似蝦蟆子

此症二三月經水不來以致七八月腹大如鼓人以

為孕一日崩下血來其胞血中有物似蝦蟆子昏迷不知人事宜服十全大補湯見前

○經來似禽

獸形月經似禽獸形欲來傷人先將綿塞陰戶用沒藥一兩研末滾開水調下即愈

○月經過期

形似屋漏水頭昏目暗小腹作痛更兼白帶喉中臭似魚腥惡心吐逆

先用理經四物湯後用補內

當歸丸自愈

理經四物湯當歸二錢川芎八分生地三錢柴胡七分香附醋炒元胡醋炒白芍酒炒

焦白朮各一錢五分黃芩酒炒一錢

補內當歸丸當歸續斷白芷阿膠炒厚朴茯苓肉苁蓉漂淨焙

乾蒲黃炒黑芫肉各一兩川芎八錢熟地一兩五錢甘草乾薑各五錢附子二錢蜜為丸空心溫酒下

七八十九

○經來紫色

色紫者熱也用四物加香附黃連湯歸尾川芎赤芍香附製生地黃連甘

草丹皮各一錢水煎服

○經來淡色

色淡者虛也臺黨白朮茯苓歸身川芎白芍熟地炙耆香附

製各一錢炙草五分薑棗引水煎服並常服地黃丸見前

○經來綠水

此症全無血色乃大虛大

寒不可用涼藥宜用附子烏雞丸服之半月非但病愈而能懷孕

附子烏雞丸附子三錢鹿茸無則

用鹿膠一兩真山藥茯苓肉桂蒲黃炒黑當歸芫肉各五錢白芍一兩熟地一兩五錢淨烏雞肉去皮

油酒蒸三兩米糊為丸空心酒送下一百丸

○經來黃水

此係虛症不可用涼藥須煖其經以和

其血次月血勝而愈宜用加味四物湯當歸烏藥川芎元胡小茴白芍各八分熟地一錢薑棗引空心

服經來膏內一塊作痛其色深黃宜治塊為先用四物元胡湯當歸川芎白芍各八分元胡一錢

熟地一錢五分薑三片酒煎加沉香三分磨兌食後服

○經來全白色五心煩熱小便作痛此氣

血虛也宜用前附子烏雞丸 ○經來疼痛小便似刀割 此血門不開宜用牛膝三兩乳香一錢麝

香二分水一碗半煎牛膝至一碗臨服磨乳香麝香入內空心服一劑即愈若係火症用辰砂元散見
備用諸方 ○經來狂言似見鬼神 此症經來或因家事觸怒逆血攻心不知人事狂言鬼神先用

麝香二分辰砂遠志去心甘草各一錢柴胡桔梗茯神各二錢木香五分台黨八分水煎不拘時服後
用茯苓丸即愈茯苓丸茯苓茯神各八錢遠志去心六錢硃砂三錢猪心一個搗粥為丸梧子大用金

銀花湯送五十九即愈 ○經來常嘔吐不思飲食 丁香乾薑各五分白朮一錢為末每清晨米湯下
○經來食物即吐 此症乃痰在胸膈飲食不能下胃先用烏梅丸化去痰涎後用九仙奪命丹 烏

梅丸木香雄黃各五錢草菓一個煨乳香浸藥各一錢烏梅為丸彈子大每早口含化一丸 九仙奪命
丹草菓一個厚朴茯苓枳殼
水香山查陳皮蒼朮各一錢共為末薑湯下 ○經來咳嗽 此症喉中出血乃肺金枯燥急用茯

苓湯退其嗽再用烏蘇丸除其根 芩苓湯茯苓川芎蘇葉前胡半夏製桔梗枳殼乾薑陳皮各八分
當歸生地白芍各一錢臺黨五分桑白皮六分甘草三分薑三片水煎空心服 烏蘇丸萊菔子九錢

貝母四兩共為末蜜丸桐子大空心滾開水送下五十九 ○經來大小便俱出 此名蹉經因吃熱
物過多積久而成宜用分利五苓散去其熱毒調其陰陽即安 分利五苓散豬苓澤瀉白朮赤茯苓

一錢阿膠炒當歸川芎各八分水煎空心服即愈 ○行經腹痛 凡經水將行腰脹腹痛者此氣滯
血實也用桃仁四物湯歸尾川芎赤芍丹皮香附製元胡索各一錢生地紅花各五分桃仁二十五粒

水煎服 若瘦人責其有大如黃連炒黃芩各一錢肥人責其有痰加枳殼蒼朮各一錢 ○經後腹
痛 凡經水過後腹中痛者此虛中有滯也用加減八物湯臺黨白朮香附醋炒茯苓當歸川芎白芍

生地各一錢炙甘草各五分青皮七分薑棗引水煎服 ○經來二三日遍身疼痛及寒邪入骨或

熱或不熱 宜解表發汗用烏藥順氣散烏藥僵蠶白芷陳皮枳殼各八分乾薑甘草各五分麻黃三分去節此味宜秤準不可多用若係春天只服一二分足矣薑三片葱一根水煎服即愈 ○經來潮熱不思飲食 此症經來胃氣不開不思飲食須開胃不宜別樣只取雄鴨頭頂上血調酒飲立效 ○經少腹大似漏胎狀 此名腸覃因經行之時寒氣自肚門而入客於大腸以致經血凝滯月信雖行而血卻少其腹漸大似孕子狀為胎漏狀壯盛婦人半年以後氣盛而血虛怯者必成脹病用桂枝桃仁湯桂枝枳榔各一錢五分白芍生地枳殼各一錢桃仁二十五粒炙草五分薑棗引水煎服更宜常服四製香附丸見後此症載靈樞經內人鮮知者特表而出之 ○經閉不通 婦人女子經閉不行其候有三乃脾胃傷損飲食減少氣耗血枯而不行者法當補其脾胃養其血氣以待氣充血生經自行矣不可妄用通經之劑則中氣益損陰血益乾致成癆瘵之疾而不可救所謂索千金于乞丐輩楚日加徒斃其生而已一則憂愁思慮惱怒怨恨氣鬱血滯而經不行者法當開鬱氣行滯血而經自行苟用補劑則氣得補而益結血益凝聚致成癥瘕脹滿之疾所謂養虎自遺患也一則軀肢迫塞痰涎壅滯而經不行者法當行氣導痰使經得行斯之謂良工矣 ○通治經閉 蠶沙飲蠶沙四兩炒半黃色用黃酒斤半甜酒亦可用瓦罐煎滾滌去蠶沙將酒入瓶封好溫飲一二盃即通甚效若因脾胃損傷血枯不行者用加減補中益氣湯薑白朮各二錢炙耆柴胡各七分當歸白芍川芎陳皮各一錢神曲炒麥芽炒炙草各五分薑棗引水煎服更宜服前參朮大補丸烏雞丸以經行為度 如因氣鬱血閉不行者用開鬱二陳湯陳皮茯苓蒼朮香附製川芎各一錢半夏製青皮莪朮枳榔各七分甘草木香各五分薑引水煎服更服四製香附丸以經行為度 四製香附丸此婦人常用之要藥也淨香附一斤用酒醋鹽水童便各浸三日焙研烏藥八兩共為末醋糊為丸開水下 如因痰者用前蒼

莎導痰丸更服上開鬱二陳湯去莪朮加枳殼一錢服之 有愆期未嫁之女偏房失寵之妾寡居之婦養院之尼欲動而不能得遂感憤而不能伸多有閉經之疾含羞強忍不欲人知致成癆瘵之疾終不可救者宜用四製香附丸參朮大補丸攻補兼行庶幾可瘳此情之變無用治也 有經閉不行骨蒸潮熱脈虛者用增減八物柴胡湯台黨茯苓各一錢炙草五分歸身白芍生地麥冬知母柴胡有汗加地骨皮無汗加牡丹皮各二錢淡竹葉十五片水煎服凡婦人血虛有熱者皆可服之如熱太甚服此不平者加黑乾薑一錢神效 有經閉發熱喉燥唇乾脈實者用四物涼膈散歸身川芎赤芍生地黃芩酒炒黃連酒炒山枝炒黑連翹桔梗各一錢生甘草薄荷葉各五分淡竹葉十片水煎服凡血實形盛脈有力者皆可服之 ○經閉腹大如孕 此名石瘕因行經之時寒氣自陰戶而入客於胞門以致經血凝聚月信不行其腹漸大如孕子狀婦人壯盛者半年之後小水長而消臭若虛怯者必成

腫病用溫經湯歸身川芎赤芍莪朮台黨炙草各五分川牛膝故紙小茴炒各一錢棗薑引澤水煎服更宜常服四製香附丸見前此靈樞經驗秘方也 ○室女經閉遍身浮腫 室女月水初行不識保養誤用冷水洗手血見冷水則凝不出面色青黃遍身浮腫人作水腫治之不效宜用通經丸通血消腫即愈 通經丸三菱莪朮赤芍川芎當歸紫苑劉寄奴各八分穿山甲一片共為末米糊為丸酒送

下 ○婦女因開甑為熱氣所衝面目腫大經水不通 舊蒸飯布越舊越好燒灰用鍋蓋上水氣甑蓋上水氣亦可調敷隨敷隨消經水亦通無蒸飯布用甑底燒灰亦可 ○婦女疳疾經水不調面色

黃瘦咳嗽燒熱或吐血或不吐血不思飲食精神疲憊 熟地乾薑當歸蒲黃赤芍甘草各三錢小豆五錢共研細末另用肉桂三錢去皮研末入藥拌勻每用三錢外加男子指甲七個瓦上焙黃研末

入藥內臨睡時用熱淡黃酒冲服出汗不要受風每日服一劑共服四劑其效若神此四日只用開水

紅糖和飯食或食稀粥十萬不可另吃別物並忌受驚氣惱是所致要 ○經逆上行從口鼻出此

因食椒薑熱毒之物其血亂行急用犀角地黃湯犀角白芍丹皮枳實各一錢黃芩橘紅百草霜即鍋

底煙子以燒草者為佳燒煤炭者斷不可用桔梗各八分生地一錢甘草三分水煎空心服數劑即愈

又方用韭菜搗汁一盞入童便半盞蒸熱服極效若無童便其功稍緩 又方先以好陳墨磨水一盞

服其血立止次用歸尾紅花各三錢水一鍾半煎八分服 經水從口鼻出咳嗽氣緊宜推血下行當

用紅花散七帖次用冬花散止咳下氣不須五六帖熱去自安 紅花散紅花黃芩蘇木各八分花粉

六分水煎空心服 冬花散冬花蕊栗殼蜜炒桔梗枳殼蘇子紫苑知母各八分桑皮炒石羔杏仁各

一錢水煎服 ○經來房事相撞 俗名撞紅用明雄水飛淨三錢好酒沖服一次即愈 ○血崩不

止參看後老婦血崩方 燈心一根蘸香油點燃燒大敦穴一下即止穴在兩足大趾外側甲縫內中

間不上不下即是倘止復崩即在原處燒之若原處起泡將泡挑破燒之無不止矣此治崩症神效第

一方也止後再請名醫用藥調理以免復發 又方凡婦人有血崩血枯之症其頭頂心必有紅髮數

根拔之燒灰酒調空心服甚效 又方陳蓮蓬殼燒灰存性五錢棉花子燒灰存性三錢共研末米酒

沖服奇效非常此仙人尹蓬頭方也 又方膠血飲見後老婦血崩方最為神效 又方木耳炭火焙

存性為末一錢崩輕用熱酒調服崩重以鐵秤錘燒紅投入酒內俟酒熱調服立效 又方製貫眾末

二錢製法見後赤白帶下第二方酒沖服因濕熱而崩者極效 又方鍋底煙子以燒草者為佳燒煤

炭者斷不可用熱酒沖服二三錢立止 又方真大生地二兩切片用好紹酒浸透搗如膏取汁再用

當歸川芎各五錢煎好和生地汁搗融服之遇危險者如心口熱可救 又方旱蓮草查藥物備要便

知煮雞湯食之立效 又方好肉桂去皮瓦上煨存性研末空心米湯調服三錢虛寒血崩極為神效

又方小公雞一隻重半斤上下去毛並肚雜入好田州三七三錢沙鍋內蒸極融爛空心服即愈有人患此百藥不效服此二次而愈 又方陳棕燒存性空心淡酒沖服三錢 又方谷樹皮又名楮樹又名構樹荊芥各二錢炒黑煎服神效無比 又方黃耆真山藥炒薏仁米各七錢當歸炭四錢阿膠蛤粉炒成珠五錢蓮蓬炭老棕炭各三錢炒芍二錢荊芥炭一錢半煎服日久不愈者服之甚效 又方甜杏仁苦者即桃仁斷不可用去皮尖燒存性為末每服三錢空心熱酒服諸藥不效者服此立止 老婦血崩 凡婦人老年驟然血海大崩不止名曰倒經速投此方一劑其崩立止如仍發熱以六安州茶葉三錢若無即用別項茶葉亦可煎服一次身熱即退再用六君子湯加當歸白芍調理而安陳阿膠一兩米粉拌炒成珠無則以陳黃明膠代之終不似阿膠之妙金當歸一兩西紅花八錢冬瓜子五錢用天泉水煎服其渣再煎服之方名膠紅飲此方傳自異人每治老婦血崩屢試屢效後見少婦大崩不止屢服大料補劑血流反多飲食不下昏暈幾次勢甚危篤照此方減去紅花一半服之仍用六君子湯加當歸白芍調理全愈葉天士云初崩而塞久崩而通即此義也紅花能去瘀生新不與桃仁同用並不害事切勿疑悞也 崩中漏下五色 蜂窩焙枯研末五分溫酒下神效此張文仲方也 崩久成漏連年不休 此中氣下陷元氣不固也宜用前加味補中益氣湯兼服鹿角霜丸鹿角霜柏子仁去殼炒歸身茯苓神龍骨煨阿膠蛤粉拌炒成珠各一兩川芎七錢香附醋製二兩炙草五分川續斷一兩五錢共為末山藥五兩研末煮糊為丸每服五十九空心溫酒下 白帶白濁白淫 婦人常有白帶白濁白淫諸疾症固不同治亦有別白帶者時常流出清冷稠粘此下元虛損症也白濁者濁隨小便而來渾濁似米泔水此胃中濁氣滲入膀胱也白淫者常在小便之後來亦不多此男精不攝滑而自出不治亦愈治白濁方陳皮半夏製白茯苓白朮益智入鹽水炒研蒼朮各一錢炙草

五分升麻柴胡各七分薑引水煎服 ○赤白帶下 帶久不止者專以補虛為主宜服十全大補湯

去地黃加陳皮半夏乾薑更服參朮大補丸俱見前以補脾胃之虛及服補宮丸以補下元之耗 補

宮丸鹿角霜茯苓白朮白芷牡蠣煨童便炒真山藥龍骨煨赤石脂各五錢乾姜炒二錢五分醋

煮為丸空心米湯下 又方白朮五錢真雲苓二錢車前子一錢雞冠花三錢水煎服無論久近其效

無比百發百中赤帶用白雞冠花白帶用赤雞冠花反之為妙 又方赤白帶下諸藥不效年久不愈

此乃濕熱也買眾一個去皮毛以好陳醋泡透慢火燒熟為末空心米湯下每服二錢亦百發百中之

方也 帶下丸治赤白帶下神效莫及馬尾二兩用鹽泥封固煨焦白馬治白帶赤馬治赤帶龜板醋

炙二兩牡蠣煨鹽醋煮二兩研末米醋糊為丸梧桐子大每服三錢酒送下 ○赤白帶下臍腹疼痛

白芍二兩炒乾薑五錢共為細末每服三錢空心溫米湯調下效驗若神 ○五色帶下 年久古碑

一塊燒極紅以油煎麵餅七個安放磚上再用黃瓜根研末鋪麵餅上加布兩層令病人坐上使藥氣

薰入腹中當有虫出治三五次虫盡即愈 ○婦女血枯閉經 無論身體寒熱皆可服路黨參全歸

身整枝酒洗白茯苓原片大熟地酒白芍柏子仁搗去油各一兩用竹絲雞一隻即白毛烏骨雞去毛

淨洗將各藥裝入雞肚內用清水兩大碗隔湯蒸爛分兩三次空心服並將藥渣再熬連雞肉亦分次

吃完病輕者數服重者不過十餘劑即可全愈此係異傳曾經醫治多人屢著神效誠婦科之良方也

婦人科種子門 ○種子畧言 方書每載種子一門誠屬延綿宗祀之苦衷竊謂子孫蕃衍皆由祖宗

積德己身修善上天錫以嗣息使獲多男之慶得遂燕翼之謀所關非淺豈可強求每見富貴之家年

未四十托名無子藉號體虛廣蓄姬妾遍覓奇方金石雜投辛溫並進以為毓麟有望誰知腎火熾而

情欲肆情欲肆而津液漓神衰形喪終嘆無兒燕之年壽不永中道崩殂與寡慾多男之說不大謬哉

上天好生挽回甚速奉勸艱嗣君子深體天心廣行陰陽出言醞天地之和居心存忠厚之意肅帷房而勿求美色淡嗜慾而無斷乃躬或敦宗睦本或濟急扶危或流傳善書或創修寺院或興義學或卹孤嫠或施棺助葬或饋藥送衣或有力而獨為或無資而勸募一切善事次第力行自然姦斯載咏麟趾呈祥也况夫人而求子原為家業無人可付宗祧無人可守耳如有家業而乏子嗣財已無主不思修為專圖刻剝繼嗣覲奪構訟多端身未寒而家已破仍飽他人之腹徒增一己之愆愚孰甚焉何如以無主之財而作有用之事乎伏願求子者勿恃藥餌堅守仁心身其康強子孫其逢吉矣即或不然早立應嗣飲之食之教之誨之雖毛裏不屬而恃怙有恩如同已出亦可守祧也有心求嗣者當不河漢斯言

保命延生種子戒期

娶婦必期偕老生子必望長成乃有伉儷極篤而中道死亡產育艱難而半途夭

折者祇因肆情縱慾暗犯禁忌而不自知也道經云男女交媾最有避忌若犯所忌天奪其算神降之殃生子醜貌怪相性行不良殘疾夭折實有明驗故君子不獨外色鋤之務盡即房帷之內琴瑟之歡俱有克治之道焉茲將正色戒期錄出以為卻病保生之一助也 正月初一名天臘玉帝下界校世

人祿命犯者削祿奪紀初三萬神都會犯者奪紀初五五虛初六六耗初七上會初九玉帝誕犯者奪紀十四三元下降犯者減壽十五天官誕十六三元下降二十五每月二十五日為月晦日犯者減壽二十七每月二十七北斗下降犯者奪紀二十八每月二十八日人神在陰犯者得惡疾三十每月三十日司命奏事犯者減壽月小即戒二十九日 二月初一日犯者奪紀每朔如此初三文昌帝君聖誕犯者削祿奪紀十五老君誕犯者奪紀每月如此十八先師孔子諱辰犯者削祿十九觀音聖誕犯者奪紀二十五二十七二十八俱同前 三月初一同前初三玄天上帝誕犯者奪紀初九牛鬼神出

世犯者產惡胎十五同前十六準提菩薩誕犯者奪紀十八中嶽帝誕犯者奪紀二十五二十七俱同
前二十八東嶽帝誕犯者奪紀三十同前 四月初一初三俱同前初四萬神善化犯者失音初八釋
迦佛誕犯者血死十四呂純陽祖師誕犯者奪紀十五陽先師誕二十五二十七二十八三十俱同前
五月初一南極長生大帝誕犯者減年初三同前初五名地臘玉帝考校生人官爵犯者削祿奪紀初
五初六初七十五十六十七二十五二十六二十七以上九日名九毒日犯者得病損壽若十五日子
時犯者主三年內夫婦皆死經驗多人十六為天地造化萬物之辰尤忌犯者大凶十三關聖帝君降
神犯者奪紀二十七二十八三十俱同前 六月初一初三十五俱同前十九觀音得道二十三火神
誕二十四關聖誕雷祖誕犯者奪紀二十五二十七二十八三十俱同前 六月初一初三俱同前十
九觀道得道二十三火神誕二十四關聖誕雷祖誕犯者奪紀二十五二十七二十八三十日俱同前
七月初一初三俱同前初七道德臘五帝校人善惡犯者奪紀初十陰毒日十五中元地官校籍犯者
奪紀二十五二十七二十八俱同前三十地藏菩薩誕犯者奪紀 八月初一一同前初三司命竈君誕
又北斗星君誕犯者重病奪紀初十北嶽帝誕犯者奪紀十五太陰朝元之辰宜焚香守夜犯者大凶
二十五同前二十七至聖先師孔子誕犯者削祿奪紀或云二十一非二十七日未知孰是二十八三
十同前 九月初一南斗降神犯者削紀初一至初九此九日為北斗下降日宜齋戒又初九斗母誕
犯者男女俱陷黑簿亥時犯者夫婦雙亡十五同前十七金龍四大王誕十九觀音出家犯者困苦二
十五二十七二十八俱同前三十藥師佛誕 十月初一民歲臘犯者削紀初三同前初五諸神下會
犯者大凶初六天曹考察犯者大禍初十西天王降犯者暴卒十五下水官校籍犯者削紀二十五
同前二十七北極紫微大帝誕犯者削紀二十八三十俱同前 十一月初一初三俱同前初六西嶽

帝旦十一太乙救苦天尊旦十五同前十七阿彌陀佛旦犯者削紀十九太陽旦犯者削紀二十五掠
剔大夫降犯者大凶二十七二十八三十俱同前十二月初一初三俱同前初七違者惡疾初八王侯
臘初旬戌日亦是違者得病十五同前十六南嶽帝旦二十天地交泰違者削紀二十四司命上奏人
間善惡二十五王帝三清巡視諸天定來年禍福違者得病損壽二十七二十八俱同前除夕諸神考
察違者得病損壽 每歲四立二分二至社日三伏日庚申甲子日祭祀前齋戒日父母誕日請日夫
婦誕日本命日疾風暴雨雷電晦暝日月薄蝕違者大凶受禍得病酷暑嚴寒病餘產後過醉空腹違
行鬱怒違者得病損身停燈行房最干神怒以上各期先夜即須謹戒蓋夜半交子晝長夜短者二更
後將即交子時不可不慎謹按禮記月令日夜分雷乃發聲先雷三日奮木鐸以令兆民曰雷將發聲
有不戒其容止者生子不備必有凶災可知禁忌自古有之曰長至則曰止聲色毋或進曰短至則曰
去聲色禁嗜慾蓋冬夏二至陰陽相爭之時最難保護前後數日皆宜絕慾至於高山大川之上日月
星辰之下神廟寺觀之內井竈屍柩之旁及一切非其地非其時俱宜嚴戒 茲刻始於拙菴秦太史

流傳已遍此本校定最準刪繁就簡止擇最重者錄之蓋禁忌太繁奉行恐怠也若能避忌必臻上壽
若反是無不受禍語云樂極生悲縱慾成患謹勸世人須為長久之歡弗逞暫時之樂蓋慾濃則暫慾
淡則長其理不爽其事不誣也篤信者另以小紙將日期錄出貼於壁上每逢禁忌必謹遵之 ○種

子諸方○調經種子湯

歸身川芎萸肉各一錢熟地製香附各一錢半酒芍茯苓丹皮各八分延胡

索廣皮各七分生薑三片若經水先期者色必紫加條苓八分過期者色必淡加官桂乾薑熟艾各五
五分水一碗半煎八分經水至日空心服渣再煎臥服一日一劑服至經止兩三日交媾即孕 又
經通不受胎者丹參晒乾磨粉每日用二錢陳酒送下兩月內即孕無有不靈 ○赤脚大仙魚鱧種

子丸 此方係雲南大理府周姓年老無子遇異人傳授此方服至月餘自覺目明身健髮黑鬚黃連生七子壽至九十有七此方專治身體虛弱老少酒色過度頭眩耳鳴目花腰膝酸疼四肢無力自汗盜汗下元虛損夢遺精滑陽痿或男子精寒腎虛陽物不舉不能久堅元陽衰敗或女人血寒氣弱子宮久冷赤白崩帶經水不調久不受孕服此立效有子者服之亦可卻病保元肥當歸酒洗晒乾淫羊藿去枝梗荆刺羊油酥更妙白蓮蕊揀淨去灰土肉苁蓉酒洗晒乾川杜仲去皮青鹽水炒斷絲兔絲子淘淨灰土用甜酒浸一宿又以水煮再合酒煮成餅晒乾沙苑蒺藜皮貨店帶者為真碧綠豬腰形者佳去灰土分四股青鹽人乳老酒童便各拌二兩微炒各八兩真雲苓去皮切片人乳拌蒸晒乾甘枸杞紅色肉厚者揀淨去蒂各四兩牛膝肥長者佳去蘆切片酒洗晒乾固脂揀淨青鹽水炒各六兩上白魚鱉一片壯礪粉炒成珠磨細上肉桂二兩去粗皮切片不可見火大附子二個每個重一兩四錢去臍切四塊以甘草水浸七日每日一換至期用麪八兩裏好放炭火中煨熟切片焙乾此附桂二味年老並虛弱者可用壯實者少用以上諸藥各依泡製共為細末煉蜜為丸如胡椒大每早服一百丸鹽開水下晚服一百丸陳黃酒下甜酒亦可 ○種玉酒 治婦經水不調血氣不和不能受孕或生過一胎之後停隔多年服此藥酒百日即能受孕如氣血不足經滯痰凝者服至半年自然見效若受胎之後須服保胎磐石散見胎前門可保無病神應非常全當歸五兩切片此能養氣血遠志肉五兩用甘草湯洗一次此能散血中之滯行氣消痰二味用稀夏布袋盛之以好甜酒十斤安藥浸之蓋好浸過七日後晚上溫服隨量飲之慎勿間斷服完照方再製再月經來時干淨之後每日用青殼鴨蛋一個以針刺孔七個用蘄艾五分水一碗將蛋安於艾水碗內飯鍋上蒸熟食之每月多則吃五六個少則二三個亦可 ○羊腎酒 湧泉膏種子兜肚方均見備用諸方門 ○子宮寒冷不能受孕

吳黃川椒各八兩為末煉蜜為丸彈子大棉裹入陰戶中日夜一換一月後子宮和緩即可成孕 又方硫磺煎水常洗效

婦人科胎前門

○保產諸方

保產無憂方專治一切產症有胎即能安胎臨產即能催生不拘月分

凡胎動不安腰酸腹痛一服即安再服全愈臨盆艱危者一服即生橫生逆產六七日不下及兒死腹

中命在須臾者亦一服即下懷孕者七個月即宜預服七個月服一劑八個月服二劑九個月服三劑

十個月亦服三劑臨產服一劑斷無難產之患百發百中功效如神紫厚朴薑汁炒蘄艾醋炒各七分

當歸酒炒川芎各一錢五分生者荊芥穗各八分川貝母去心淨為末不入煎以藥沖服免絲揀淨酒

泡各一錢川羌活生甘草各五分枳殼麵炒六分白芍酒炒二錢冬月只用一錢藥須照方揀選泡製

後用要秤準不可加減分毫引用老生薑三片水二大鐘煎至八分服預服者空心溫服臨產及胎動

不安並勢欲小產者皆臨時熱服如人虛極再加人參三五分更妙已產後此藥一滴不可入口切勿

悞服此方藥劑分量雖輕功效甚大不論老少強弱皆宜服也 ○佛手散 治胎氣受傷或子死腹

中痛疼不已口噤昏悶或心腹脹滿血上衝心服之生胎即安死胎即下又治橫生倒產須先安臥

將此藥煎服再行安臥自然順生若見手足在外未能收入切不可亂動惟少以食鹽塗兜掌用指甲

輕插之並以鹽摩母腹安臥一時自然收入藥宜早備以資急用當歸一兩川芎七錢水七分酒三分

同煎至七分服若治橫生倒產及死胎則加黑馬料豆一合炒焦乘熱淬入水中加童便一半煎藥服

少頃再服一劑神效此方又治產後腹痛發熱頭痛能逐敗血生新血除諸疾 ○加味芎歸湯 專

治難產及陰氣虛弱交骨不開催生如神藥宜早備以資急用當歸一兩川芎七錢生龜板手大一塊

醋炙研末藥店多以熬過龜膠之板混用必自行看過實係生龜板方能見效婦人亂髮蛋大一團瓦

培存性用水二碗煎一碗如人行五里之久即生若死胎亦即下也有人產門不開兩日未生服此一劑即產真聖藥也 ○安胎飲 專治婦人慣於墮胎屢試神驗平時無小產之患者服此亦妙一婦

人小產六次百藥無效後服此方連生數子無恙屢試神驗百發百中真保胎第一方也蓮肉去心不去皮家用青苧麻洗淨膠白糯米各三錢水煎去麻每早連湯服一次或服湯不服蓮肉糯米亦可小產由於房勞傷損足三陰腎傷則精氣不固肝傷則血熱妄行脾傷則胎元自墮蓮肉清君相之火而能固澀真氣苧麻利小便而通子戶清淫慾之瘀熱糯米補脾益陰能實陽明空竅使胎不能妄動而胎氣自安以五穀果實為方誠王道之劑也 ○泰山磐石散 治婦人氣血兩虛或肥而不實或瘦

而血熱或脾肝素虧倦怠少食屢有墮胎之患此方和平兼養脾胃氣血覺有熱者倍黃芩少用砂仁覺有胃弱者多用砂仁少加黃芩更宜戒惱怒慾事並酒醋辛熱之物可保無墮台黨炙蒼川芎黃芩川續斷各一錢白芍酒炒熟地各八分白朮二錢土炒炙草砂仁各五分糯米三錢用泉水煎服但覺有孕隔三五日常用一服過四個月方保無虞其藥渣可噴入河池內與魚食之以有糯米故也徐東臯曰婦女凡懷胎兩三個月慣要墮落名小產此由體弱氣血兩虛臟腑火多血分受熱所致醫家安胎多用艾附砂仁熱補之劑是速其墮矣殊不知血氣清和無火煎燥則胎自安大抵氣虛則提攝不住血熱則濫溢妄行欲其不墮得乎香附雖云快氣開鬱多用則損正氣砂仁快脾多用亦耗真氣況香燥之性血氣兩傷求以安胎適所以損胎也惟泰山磐石散千金保孕丸二方能奪化工之妙百發百中神效非常 ○千金保孕丸 治妊婦嘔背痛慣於小產服此可免墮胎之患厚杜仲四兩切片

用白糯米炒斷絲川續斷酒和炒二兩共為丸以山藥六兩煮糊為丸如胡椒大每服八九十九丸用米湯空心送下戒惱怒忌食酒醋豬肝發火等物 ○小產保胎方 杜仲一斤切片用鹽水浸七日其